

**CONSELLERÍA DE EDUCACIÓN, UNIVERSIDADE E FORMACIÓN PROFESIONAL**

**ORGANISMO: DIRECCIÓN XERAL DE EDUCACIÓN, FORMACIÓN PROFESIONAL E INNOVACIÓN EDUCATIVA**

Capítulo:	
Epígrafe:	
(para cubrir no Diario Oficial de Galicia)	

**SUMARIO:**

*Orde do 23 de xaneiro de 2019 pola que se convocan probas para a obtención de determinados carnés profesionais e habilitacións profesionais no ano 2019.*

**TEXTO:**

Na Orde do 16 de marzo do 2011 da Consellería de Economía e Industria (actualmente Consellería de Economía, Emprego e Industria) establécese que a consellería competente regulará mediante orde o procedemento e a convocatoria para a realización dos exames encamiñados á obtención tanto dos carnés como de calquera outra habilitación profesional necesaria no ámbito da seguridade industrial.

O acordo de coordinación asinado o 9 de abril de 2010 entre a Consellería de Economía e Industria e a Consellería de Educación e Ordenación Universitaria (actualmente Consellería de Educación, Universidade e Formación Profesional) para establecer un procedemento co fin de que o proceso de obtención de determinados carnés profesionais se articule a través da Dirección Xeral de Educación, Formación Profesional e Innovación Educativa, da Consellería de Educación, Universidade e Formación Profesional, establece que esta última adoptará as medidas necesarias para que nos centros integrados de formación profesional ou naqueles

outros dependentes desta consellería que se estableza, que impartan formación profesional, se realicen as xestións encamiñadas á obtención dos carnés profesionais e das habilitacións profesionais nas especialidades que conxuntamente se determinen.

Así mesmo, faculta a Consellería de Educación, Universidade e Formación Profesional para realizar as convocatorias anuais para a obtención dos carnés profesionais e das habilitacións profesionais polo procedemento de exame.

En virtude do anteriormente exposto, co fin de regular a organización e o desenvolvemento dos exames para a obtención de determinados carnés profesionais e habilitacións profesionais,

DISPÓNDOSE:

### I. Disposicións de carácter xeral

#### Artigo 1. Obxecto.

O obxecto desta orde é establecer o procedemento que seguirá a Consellería de Educación, Universidade e Formación Profesional para a realización dos exames encamiñados á obtención dos carnés profesionais e das habilitacións profesionais (código do procedemento ED527A) para o ano 2019 nas seguintes especialidades:

Carnés profesionais:

- Carné profesional de instalacións térmicas de edificios.
- Carné profesional de operador/a de guindastre torre.
- Carné profesional de operador/a de guindastre móbil autopropulsado, categoría A.
- Carné profesional de operador/a de guindastre móbil autopropulsado, categoría B.

Habilitacións profesionais:

- Operador/a industrial de caldeiras.

- Instalador/a de gas, categoría A.
- Instalador/a de gas, categoría B.
- Instalador/a de gas, categoría C.
- Instalador/a de produtos petrolíferos líquidos, categoría I.
- Instalador/a de produtos petrolíferos líquidos, categoría II.
- Reparador/a de produtos petrolíferos líquidos, categoría III.
- Manipulador/a de equipamentos con sistemas frigoríficos de calquera carga de refrixerantes fluorados.
- Manipulador/a de equipamentos con sistemas frigoríficos de carga de refrixerante inferior a tres quilogramos de gases fluorados.
- Manipulador/a de equipamentos de transporte refrixerado de mercadorías de calquera carga de refrixerantes fluorados.
- Manipulador/a de equipamentos de transporte refrixerado de mercadorías que empreguen menos de tres quilogramos de refrixerante fluorados.

## **Artigo 2. Convocatorias.**

O procedemento obxectivo desta orde articularase en dúas convocatorias independentes, denominadas primeira e segunda, en atención ao período do ano en que se desenvolvan.

En razón do número de participantes inscritos nas últimas convocatorias e co obxectivo de optimizar os recursos, a relación de especialidades que serán obxecto de exame en cada unha das convocatorias será a seguinte:

1. Especialidades obxecto de exame na primeira convocatoria:

Carné profesional:

- Carné profesional de operador/a de guindastre torre.

- Carné profesional de operador/a de guindastre móbil autopropulsado, categoría A.

Habilitacións profesionais:

- Operador/a industrial de caldeiras.

2. Especialidades obxecto de exame na segunda convocatoria:

Carnés profesionais:

- Carné profesional en instalacións térmicas de edificios.
- Carné profesional de operador/a de guindastre móbil.
- Carné profesional de operador/a de guindastre móbil autopropulsado, categoría A.
- Carné profesional de operador/a de guindastre móbil autopropulsado, categoría B.

Habilitacións profesionais:

- Operador/a industrial de caldeiras.
- Instalador/a de gas, categoría A.
- Instalador/a de gas, categoría B.
- Instalador/a de gas, categoría C.
- Instalador/a de produtos petrolíferos líquidos, categoría I.
- Instalador/a de produtos petrolíferos líquidos, categoría II.
- Reparador/a de produtos petrolíferos líquidos, categoría III.
- Manipulador/a de equipamentos con sistemas frigoríficos de calquera carga de refrixerantes fluorados.
- Manipulador/a de equipamentos con sistemas frigoríficos de carga de refrixerante inferior a tres quilogramos de gases fluorados.

- Manipulador/a de equipamentos de transporte refrixerado de mercadorías con carga de refrixerantes fluorados.
- Manipulador/a de equipamentos de transporte refrixerado de mercadorías que empreguen menos de tres quilogramos de refrixerantes fluorados.

### **Artigo 3. Requisitos das persoas aspirantes.**

Para seren admitidas á realización das probas, as persoas aspirantes deberán cumprir os seguintes requisitos:

- a) Estaren en idade legal laboral ou teren a idade mínima que, de ser o caso, poida esixir a normativa sectorial correspondente.
- b) Requisitos específicos que para cada especialidade establezan na normativa vixente.

### **Artigo 4. Solicitudes.**

1. As persoas aspirantes deberán solicitar a súa admisión ás probas mediante instancia, segundo o modelo que figura no anexo desta orde. No caso de teren interese na obtención de máis dun carné profesional ou cualificación profesional presentarán unha solicitude por cada un deles, xunto coa correspondente documentación xustificativa.

2. As solicitudes presentaranse exclusivamente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.gal>.

Opcionalmente, podense presentar as solicitudes presencialmente en calquera dos lugares e rexistros establecidos na normativa reguladora do procedemento administrativo común.

Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario clave Chave365 (<https://sede.xunta.gal/chave365>).

3. A sede electrónica da Xunta de Galicia permítelles ás persoas interesadas realizar trámites electrónicos con posterioridade ao inicio do expediente, accedendo á Carpeta do cidadán da persoa interesada. Opcionalmente, tamén poderán tramitarse presencialmente en calquera dos

lugares e rexistros establecidos na normativa reguladora do procedemento administrativo común.

**Artigo 5. Documentación complementaria necesaria para a obtención do procedemento.**

1. As persoas interesadas en participar en calquera das especialidades deberán achegar coa solicitude a seguinte documentación.

a) Xustificante de liquidación de taxas (clave 32.07.04) conforme o establecido no artigo 6 desta orde.

2. As persoas interesadas en participar nas probas para a obtención dalgún dos catro carnés profesionais deberán achegar coa solicitude a seguinte documentación:

a) Certificación de superación do curso teórico-práctico impartido por unha entidade recoñecida pola Consellería de Economía, Emprego e Industria.

b) Certificado de estar a cursar o curso teórico-práctico impartido por unha entidade recoñecida pola Consellería de Economía, Emprego e Industria. Será necesario presentar este certificado no caso de non ter rematado o devandito curso. Cumprirá presentar a certificación de superación o día da celebración da primeira parte da proba.

3. As persoas interesadas en participar nas probas para a obtención dalgunha das habilitacións profesionais de gases fluorados deberán achegar coa solicitude a seguinte documentación:

a) Certificación de superación do programa formativo para a manipulación de gases fluorados. O certificado do curso asociado a modalidade de certificado polo que se concorre á proba, malia non constituir un requisito para presentarse á proba, é imprescindible para a expedición do certificado persoal, despois de superada esta.

4. As persoas interesadas en participar nas probas para a obtención do carné de instalacións térmicas en edificios e das habilitacións profesionais de gases fluorados tamén deberán achegar coa solicitude:

a) Informe de vida laboral para a acreditación da experiencia laboral, expedido pola Tesouraría Xeral da Seguridade Social.

b) Certificación de empresa segundo o anexo II, para acreditación da experiencia laboral. No anexo II, a experiencia laboral describirase mediante a relación de actividades desenvolvidas, nos termos recollidos na normativa da especialidade que corresponda.

5. As persoas interesadas en participar nas probas para obtención dos carnés de guindastre torre e guindastre móbil autopropulsado, categorías A e B, tamén deberán achegar coa solicitude o seguinte:

a) Xustificación do título da ESO ou equivalente para efectos académicos ou profesionais, no caso de que fosen expedidos por outra comunidade autónoma.

b) Certificado médico e psicotécnico específico en vigor. Este certificado será expedido nos termos establecidos para cada carné, no Real decreto 1025/2010, do 7 de maio, polo que se modifican diversas normas regulamentativas en materia de seguridade industrial.

6. A documentación complementaria presentase preferiblemente por vía electrónica. As persoas interesadas responsabilízanse da veracidade dos documentos que presenten. Excepcionalmente, a Administración poderá requirir a exhibición do documento orixinal para o cotexo da copia electrónica presentada.

Opcionalmente, as persoas interesadas poderán presentar a documentación complementaria presencialmente en calquera dos lugares e rexistros establecidos na normativa reguladora do procedemento administrativo.

7. Sempre que se realice a presentación de documentos separadamente da solicitude deberase indicar o lugar e o órgano responsable do procedemento, o número de rexistro de entrada da solicitude e o número de expediente, se se dispón del.

#### **Artigo 6. Comprobación de datos.**

1. Para a tramitación deste procedemento consultarase automaticamente os datos incluídos nos seguintes documentos elaborados polas administracións públicas:

a) Documento NIE da persoa solicitante.

b) Titulación dos estudos non universitarios requiridos, cando o estableza a especialidade.

2. No caso de que as persoas interesadas se opoñan a esta consulta, deberán indicalo no cadro habilitado no modelo de solicitude e achegar os documentos correspondentes.

3. Excepcionalmente, no caso de que algunha circunstancia imposibilite a obtención dos citados datos poderase solicitar ás persoas interesadas a presentación dos documentos correspondentes.

### **Artigo 7. Taxas.**

1. Xunto coa solicitude deberase presentar xustificante para a Administración do impreso correspondente de autoliquidación de taxas (importe de 39,75 euros), validado pola entidade bancaria onde se realice o ingreso. O modelo de ingreso, así como os datos e os códigos que se deben indicar, son os seguintes:

Modelo A.

Consellería de Educación, Universidade e Formación Profesional. Código 07.

Delegación de Servizos Centrais. Código 13.

Servizo de Xestión da Formación Profesional. Código 03.

Taxa. Denominación. Capacitación profesional para o exercicio de actividades en materia de industria. Código 310701.

2. A non presentación dentro de prazo deste xustificante, no que debe figurar o selo da entidade bancaria, determinará a exclusión da persoa aspirante. En ningún caso a presentación deste anexo suporá a substitución do trámite de presentación en tempo e forma da solicitude.

### **Artigo 8. Prazo de presentación de solicitudes.**

1. Para a primeira convocatoria, o prazo de presentación de solicitudes será desde o día 18 de febreiro ata o día 1 de marzo de 2019, ambos os dous incluídos.

2. Para a segunda convocatoria, o prazo de presentación de solicitudes será desde o día 1 ao día 12 de xullo de 2019, ambos os dous incluídos.



### **Artigo 9. Admisión de solicitudes.**

1. Rematado o prazo de presentación de solicitudes publicarase a listaxe provisional de persoas admitidas e excluídas, coas causas de exclusión, na páxina web <http://www.edu.xunta.es/fp>.
2. As persoas excluídas, así como as que non figuren nin nas relacións de admitidas nin nas de excluídas, disporán de cinco días hábiles, contados a partir do seguinte día da publicación, para a emenda de defectos.
3. Logo de transcorrido o prazo de reclamacións e revisións destas, publicarase a listaxe definitiva de persoas admitidas e excluídas, coas causas, a hora, os lugares de realización dos exames e as causas de exclusión das persoas que non resultasen seleccionadas.

Esta listaxe publicarase na páxina web <http://www.edu.xunta.es/fp>.

### **Artigo 10. Tribunais cualificadores**

1. Constituirase como mínimo un tribunal para cada especialidade. Os membros titulares e suplentes do tribunal serán nomeados pola dirección do centro designado pola Dirección Xeral de Educación, Formación Profesional e Innovación Educativa.

Cada tribunal estará formado por un presidente ou unha presidenta e, como mínimo, dúas persoas que actuarán como vogais. Como secretario ou secretaria actuará o/a vogal de menor idade, no caso de que non haxa acordo. Cando cumpra, poderá formar parte do tribunal profesorado con destino noutra centro, sempre que pertenza á mesma familia profesional.

2. Logo da convocatoria do presidente ou da presidenta, constituirase o tribunal respectivo, coa asistencia da maioría simple dos seus membros, titulares ou suplentes. Na devandita sesión, o tribunal acordará todas as decisións que corresponda para garantir o correcto desenvolvemento das probas.
3. A partir da súa constitución, para que o tribunal poida actuar validamente requirirase a presenza dun mínimo de tres membros, dos cales un será obrigatoriamente o presidente ou a presidenta. Os membros titulares e os suplentes poderán actuar indistinta e concorrentemente.

4. O tribunal cualificador correspondente resolverá cantas incidencias se produzan no ámbito destas convocatorias. Para os efectos de comunicación e demais incidencias, os tribunais terán a súa sede na Dirección Xeral de Educación, Formación Profesional e Innovación Educativa, da Consellería de Educación, Universidade e Formación Profesional.

5. Os membros dos tribunais percibirán as indemnizacións correspondentes segundo o establecido no artigo 26.2º do Decreto 144/2001, do 7 de maio, sobre indemnizacións por razón de servizo ao persoal con destino na Administración da Comunidade Autónoma de Galicia.

6. O tribunal poderá dispor a incorporación de persoal asesor especializado para cada un dos carnés convocados, que lle prestará a súa colaboración ao tribunal nas especialidades técnicas de cada materia. Así mesmo, o tribunal poderá valer da actividade de persoal auxiliar durante a realización dos exercicios.

#### **Artigo 11. Desenvolvemento dos exames**

1. A sede de realización dos exames para cada especialidade publicarase na páxina web <http://www.edu.xunta.es/fp>.

2. Para a realización do exame as persoas candidatas deberán ir provistas do documento oficial que acredite a súa identidade con alígrafo negro ou azul.

3. Os exames estarán constituídos por dúas partes, e versarán sobre os coñecementos, contidos, etc., especificados na regulamentación de cada especialidade e que constitúen a materia de avaliación. O seu desenvolvemento realizarase xeralmente na mesma xornada:

a) Primeira parte. Exercicio teórico escrito consistente na resolución dun cuestionario tipo test proposto polo tribunal de cada especialidade. Poderá incluír cuestións sobre coñecementos tecnolóxicos e cálculos básicos no ámbito da competencia do carné profesional ou da habilitación profesional.

b) Segunda parte. Poderá consistir nun suposto práctico escrito ou nunha proba real de manipulación, manobra ou operación, e versará sobre a resolución dun problema ou de varios problemas ou no seguimento de instrucións contextualizadas, segundo determine o tribunal, en relación cos requisitos prácticos propios de cada especialidade.

No suposto práctico escrito, cumprirá que se desenvolva o conxunto de secuencia de operacións ordenadas que dan lugar ao resultado final, ou a xustificación razoada da resposta, se se require na cuestión algún argumento de reflexión; en caso contrario non se puntuará o exercicio.

Nesta proba, o tribunal cualificador poderá permitir o uso do regulamento técnico ou de calquera material adicional que considere necesario para o desenvolvemento da proba. A relación deste material comunicáraselles ás persoas participantes de cada especialidade, de ser o caso, a través da páxina web <http://www.edu.xunta.es>.

En calquera caso, poderase utilizar calculadora científica, exceto as que sexan programables ou con capacidade para almacenar e transmitir datos.

Para os carnés de operador/a de guindastre manual autopulsado, a segunda parte consistirá nunha proba de demostración real de destreza na manobra e na operación co guindastre baixo as instrucións e as indicacións especificadas polo tribunal. Esta proba poderá realizarse empregando un guindastre manual autopulsado ou un simulador. Será condición imprescindible ter superada a primeira parte da proba para poder concorrer a esta segunda parte. O tribunal publicará a relación de persoas seleccionadas para realizar a segunda parte da proba e informará da data e do lugar de realización na páxina web <http://www.edu.xunta.es>.

#### **Artigo 12. Cualificación dos exames.**

1. A puntuación mínima para superar cada parte corresponderá á metade do valor da puntuación máxima posible da devandita parte. Na parte teórica a nota formarase de acordo coa expresión:  $\text{número de respostas correctas} - (\text{número de respostas incorrectas}/3)$ .
2. Os exames cualifícaranse como "apto/a" ou "non apto/a". Para considerarse apto/a deberá aprobar as dúas partes independentemente.

#### **Artigo 13. Listaxe de cualificacións.**

1. O tribunal cualificador publicará a listaxe provisional de cualificacións na páxina web <http://www.edu.xunta.es/fp>.

2. Disporase dun prazo de cinco días hábiles desde a publicación da lista provisional de cualificacións para formular reclamacións ante o presidente ou presidenta do tribunal cualificador, que resolverá as reclamacións. Para garantir o anonimato e a obxectividade da corrección, non se permitirá, agás por circunstancias excepcionais que deberán estar claramente xustificadas, a revisión presencial dos exames.

3. Finalizado o prazo, o tribunal enviará a proposta da listaxe de cualificacións por especialidades ao director xeral de Educación, Formación Profesional e Innovación Educativa, quen a elevará a definitiva mediante unha resolución. A listaxe definitiva de cualificacións publicarse na páxina web <http://www.edu.xunta.es/fp>.

4. Contra a resolución definitiva poderase interpor recurso contencioso xudicializada perante a conselleira de Educación, Universidade e Formación Profesional no prazo dun mes desde a súa publicación.

#### **Artigo 14. Expedición de carnés profesionais e habilitacións profesionais. Notificacións.**

1. Logo de elevada a definitiva a listaxe, as persoas que resulten aptas recibirán o carné profesional ou a habilitación profesional correspondente.

2. Segundo o establecido no Real Decreto 115/2017, do 17 de febreiro, a posesión do carné profesional de instalacións térmicas en edificios constitúe un requisito para a obtención do certificado persoal para a manipulación de equipamentos con sistemas frigoríficos de carga de refrixerante inferior a tres quilogramos de gases fluorados. Xa que logo, ás persoas que, ao abeiro desta orde, superen as probas que dan lugar á obtención deste carné profesional, expediráselles de oficio o certificado persoal.

#### **Artigo 15. Notificacións.**

1. As notificacións de resolucións e actos administrativos practicaranse preferentemente por medios electrónicos. En todo caso, cando as persoas interesadas resulten obrigadas a recibilas por esta vía. As persoas interesadas que non estean obrigadas a recibir notificacións electrónicas poderán decidir e comunicar en calquera momento que as notificacións sucesivas se practiquen ou se deixen de practicar por medios electrónicos.

2. As notificacións electrónicas realizaranse mediante o Sistema de Notificación Electrónica de Galicia - Notifica.gal, dispoñible a través da sede electrónica da Xunta de Galicia (<https://sede.xunta.gal>). Este sistema remitirá ás persoas interesadas avisos da posta a disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

3. A persoa interesada deberá manifestar expresamente a modalidade escollida para a notificación (electrónica ou en papel). No caso de persoas interesadas obrigadas a recibir notificacións só por medios electrónicos deberán optar en todo caso pola notificación por medios electrónicos, sen que sexa válida, nin produza efecto no procedemento, unha opción diferente.

4. As notificacións por medios electrónicos entenderanse practicadas no momento no que se produza o acceso ao seu contido. Cando a notificación por medios electrónicos sexa de carácter obrigatorio ou fose expresamente elixida pola persoa interesada, entenderase rexeitada cando transcorresen dez días naturais desde a posta a disposición da notificación sen que se acceda ao seu contido.

5. Se o envío da notificación electrónica non for posible por problemas técnicos, a Administración xeral e as entidades do sector público autonómico practicarán a notificación polos medios previstos na normativa reguladora do procedemento administrativo común.

#### **Artigo 16. Arquivamento e destrución das probas.**

A Dirección Xeral de Educación, Formación Profesional e Innovación Educativa será a encargada do arquivamento dos exames durante un mínimo de tres meses tras a súa finalización. Transcorrido este período poderá procederse á destrución das probas das que non se formule reclamación. No caso dos exames reclamados, a documentación conservarse durante un período de cinco anos.

## II. Disposicións

### **Disposición adicional. Información básica sobre protección de datos persoais**

Os datos persoais recadados neste procedemento serán tratados na súa condición de responsable pola Xunta de Galicia – Consellería de Educación, Universidade e Formación Profesional, coas finalidades de levar a cabo a tramitación administrativa que se derive da xestión deste procedemento e a actualización da información e datos da Carpeta cidadá.

O tratamento dos datos baséase no cumprimento dunha misión de interese público ou no exercicio de poderes públicos, conforme a normativa recollida na ficha do procedemento incluída na Guía de Procedementos e Servizos, no propio formulario anexo e nas referencias recollidas en <https://www.xunta.gal/informacion-xeral-proteccion-datos>. Con todo, determinados tratamentos poderán fundamentarse no consentimento das persoas interesadas, reflectíndose esta circunstancia no devandito formulario.

Os datos serán comunicados ás administracións públicas no exercicio das súas competencias, cando sexa necesario de forma integral a información relativa a unha materia.

A fin de darlle publicidade esixida ao procedemento, os datos identificativos das persoas interesadas serán publicados conforme se describe na presente norma reguladora a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

As persoas interesadas poden acceder, rectificar e suprimir os seus datos, así como exercitar outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

### **Disposición primeira**

Autorízase a Dirección Xeral de Educación, Formación Profesional e Innovación Educativa para ditar as instrucións para o desenvolvemento e a aplicación do previsto nesta orde.

**Disposición derradeira segunda**

Esta orde entrará en vigor o día seguinte ao da súa publicación no Diario Oficial de Galicia.

Santiago de Compostela, 23 de xaneiro de 2013


Carmen Pardo Tojo

Conselleira de Educación, Universidade e Formación Profesional

INSÍRASE NO DOG

**XUNTA DE GALICIA**  
CONSELLERÍA DE EDUCACIÓN, UNIVERSIDADE  
E FORMACIÓN PROFESIONAL

ANEXO I


<b>PROCEDIMENTO</b> INSCRIPCIÓN NAS PROBAS PARA A OBTENCIÓN DE DETERMINADOS CARNÉS PROFESIONAIS E HABILITACIONS PROFESIONAIS	<b>CÓDIGO DO PROCEDIMENTO</b> EDU... 	<b>DOCUMENTO</b> SOLICITUDE
--	--	--------------------------------

<b>DATOS DA PERSOA SOLICITANTE</b>			
NOME	PRIMEIRO APELIDO	SEGUNDO APELIDO	NIF
TIPO DE VÍA	NOME DA VÍA	NÚMERO	BLOQUE ANDAR PORTA
PARROQUIA	LUGAR		
CÓDIGO POSTAL	PROVINCIA	CONCELLO	LOCALIDADE
TELÉFONO	TELÉFONO MÓBIL	CORREO ELECTRÓNICO	DATA DE NACEMENTO

<b>E, NA SÚA REPRESENTACIÓN</b> (deberá acreditarse a representación fidedigna por calquera medio válido en dereito)			
NOME/RAZÓN SOCIAL	PRIMEIRO APELIDO	SEGUNDO APELIDO	NIF

<b>DATOS PARA OS EFECTOS DE NOTIFICACIÓN</b>			
Notifíquese a: <input type="radio"/> Persoa solicitante <input type="radio"/> Persoa ou entidade representante			
Enviaranse avisos da posta á disposición da notificación por correo electrónico ou teléfono móbil facilitados a seguir:			
TELÉFONO MÓBIL	CORREO ELECTRÓNICO		
<b>ELECCIÓN DO MEDIO DE NOTIFICACIÓN REFERENTE</b>			
As persoas obrigadas a relacionarse por medios electrónicos coa administración deberán optar, en todo caso, pola notificación por medios electrónicos sen que sexa válida a que produza efectos, unha opción diferente.			
<input type="radio"/> Electrónica a través do Sistema de notificación electrónica de Galicia-Notifíca.gal, <a href="https://notifíca.xunta.gal">https://notifíca.xunta.gal</a> . Só se poderá acceder á notificación ou certificado electrónico asociado da persoa indicada.			
<input type="radio"/> Postal (oubrir o enderezo distinto do indicado anteriormente)			
As notificacións que se soliciten en papel estarán tamen á disposición da persoa indicada anteriormente no Sistema de notificación electrónica de Galicia-Notifíca.gal, para que poida acceder ao seu contido de forma voluntaria.			
TIPO	NOME DA VÍA	NUM	BLOQ ANDAR PORTA
PARROQUIA	LUGAR		
CÓDIGO POSTAL	PROVINCIA	CONCELLO	LOCALIDADE

<b>PROBAS PARA A QUE SE INSCRIBIU</b>	
<input type="radio"/> Carné profesional de instalación térmicas de edificios.	<input type="radio"/> Instalador/a de produtos petrolíferos líquidos, categoría I.
<input type="radio"/> Carné profesional de operador/a de guindastre torre.	<input type="radio"/> Instalador/a de produtos petrolíferos líquidos, categoría II.
<input type="radio"/> Carné profesional de operador/a de guindastre móbil autopropulsado, categoría A.	<input type="radio"/> Reparador/a de produtos petrolíferos líquidos, categoría III.
<input type="radio"/> Carné profesional de operador/a de guindastre móbil autopropulsado, categoría B.	<input type="radio"/> Manipulador/a de equipamentos con sistemas frigoríficos de calquera carga de refrixerantes fluorados.
<input type="radio"/> Operador/a industrial de caldeiras.	<input type="radio"/> Manipulador/a de equipamentos con sistemas frigoríficos de carga de refrixerante inferior a tres quilogramos de gases fluorados.
<input type="radio"/> Instalador/a de..., categoría A.	<input type="radio"/> Manipulador/a de equipamentos de transporte refrixerado de mercaдорías de calquera carga de refrixerantes fluorados.
<input type="radio"/> Instalador/a de..., categoría B.	<input type="radio"/> Manipulador/a de equipamentos de transporte refrixerado de mercaдорías que empreguen menos de tres quilogramos de refrixerantes fluorados.
<input type="radio"/> Instalador/a de..., categoría C.	

 **SEDE ELECTRÓNICA.** Este formulario só poderá presentarse nas <https://web.xunta.gal> - Formas previstas na súa norma reguladora.



**DOCUMENTACIÓN QUE SE PRESENTA**

<input type="checkbox"/>	Xustificante de liquidación de taxas (clave 32.07.01).
<input type="checkbox"/>	Certificación de superación do curso teórico-práctico impartido por unha entidade recoñecida pola Consellería de Economía, Emprego e Industria, cando o estableza a especialidade.
<input type="checkbox"/>	Certificado de estar cursando un curso teórico-práctico impartido por unha entidade recoñecida pola Consellería de Economía, Emprego e Industria, cando o estableza a especialidade.
<input type="checkbox"/>	Certificación de superación do programa formativo para a manipulación de gases fluídos, cando o estableza a especialidade.
<input type="checkbox"/>	Informe de vida laboral para a acreditación da experiencia laboral, expedido pola Tesorería Xeral da Seguridade Social, cando o estableza a especialidade.
<input type="checkbox"/>	Certificación de empresa segundo o anexo II para a acreditación da experiencia laboral, cando o estableza a especialidade.
<input type="checkbox"/>	Xustificación do título da ESO ou equivalente para os efectos académicos ou profesionais, no caso de que fose expedido por outra comunidade autónoma, cando o estableza a especialidade.
<input type="checkbox"/>	Certificado médico e psicotécnico específico en vigor, cando o estableza a especialidade.

**COMPROBACIÓN DE DATOS**

Os documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo no cadro correspondente ao chegar unha copia dos documentos.

	OPÓÑOME À CONSULTA
DNI/NIE da persoa solicitante.	<input type="checkbox"/>
Titulación ou estudos non universitarios requiridos, cando o estableza a especialidade.	<input type="checkbox"/>

**INFORMACIÓN BÁSICA SOBRE PROTECCIÓN DE DATOS PERSOAIS**

Responsable do tratamento	Xunta de Galicia. Consellería ou entidade á que se dirixe esta solicitude, escrito ou comunicación.
Finalidades do tratamento	A tramitación administrativa que se deriva da xestión deste formulario e a actualización da información e contidos do expediente.
Legitimación para o tratamento	O cumprimento dunha tarefa en interese público ou o exercicio de poderes públicos segundo a normativa recollida no formulario na páxina <a href="http://www.xunta.gal/informacion-xeral-proteccion-datos">http://www.xunta.gal/informacion-xeral-proteccion-datos</a> e na ficha do procedemento na finalidade dos datos e servizos. Consentimento das persoas interesadas, cando corresponda.
Persoas destinatarias dos datos	As administracións públicas no exercicio das súas competencias, cando sexa necesario para a tramitación e resolución dos procedementos ou para que as persoas interesadas poidan acceder de forma integral á información relativa a unha materia.
Exercicio de dereitos	As persoas interesadas poderán acceder, rectificar e suprimir os seus datos, así como exercer outros dereitos a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común.
Contacto delegado de protección de datos e máis información	<a href="http://www.xunta.gal/informacion-xeral-proteccion-datos-persoais">http://www.xunta.gal/informacion-xeral-proteccion-datos-persoais</a> .
Actualización normativa	En caso de existir diferentes referencias normativas en materia de protección de datos persoais neste procedemento, prevalecerán sempre aquelas relativas ao Regulamento xeral de protección de datos.

**LEXISLACIÓN APLICABLE**

Orde do 12 de setembro do 2019 pola que se convocan probas para a obtención de determinados carnés profesionais e habilitacións profesionais do ano 2019.

**SINATURA DA PERSOA SOLICITANTE OU REPRESENTANTE**

\_\_\_\_\_

\_\_\_\_\_ de \_\_\_\_\_ de \_\_\_\_\_



XUNTA DE GALICIA  
CONSELLERÍA DE EDUCACIÓN, UNIVERSIDADE  
E FORMACIÓN PROFESIONAL

ANEXO II

MODELO DE CERTIFICACIÓN DE ACTIVIDADES DESENVOLVIDAS NA EMPRESA

<b>DATOS DA EMPRESA</b>			
NOME	ACTIVIDADE ECONÓMICA	NIF	
<input type="text"/>	<input type="text"/>	<input type="text"/>	
RAZÓN SOCIAL			
<input type="text"/>			
<input type="checkbox"/> Empresa autorizada polo Regulamento de seguridade de instalacións frigoríficas.			
<input type="checkbox"/> Empresa autorizada polo Regulamento de instalacións térmicas de edificios.			
<input type="checkbox"/> Empresa autorizada instaladora ou mantedora de calefacción e auga quente.			
<input type="checkbox"/> Empresa autorizada instaladora ou mantedora de climatización.			
<input type="checkbox"/> Empresa que desenvolve actividades de refrixeración e aire acondicionado.			
<input type="checkbox"/> Empresa dedicada ao mantemento e reparación de aplicacións non motorizadas de vehículos dedicados ao transporte refrigerado.			
<b>E, NA SÚA REPRESENTACIÓN</b>			
NOME/RAZÓN SOCIAL	PRIMEIRO APELIDO	SEGUNDO APELIDO	NIF
<input type="text"/>	<input type="text"/>	<input type="text"/>	<input type="text"/>
CARGO			
<input type="text"/>			
<b>DATOS DA PERSOA TRABALLADORA</b>			
NOME	PRIMEIRO APELIDO	SEGUNDO APELIDO	NIF
<input type="text"/>	<input type="text"/>	<input type="text"/>	<input type="text"/>
<b>ACTIVIDADES DESENVOLVIDAS</b>			
Breve descrioión da actividade laboral desenvolvida:			
<input type="text"/>			
E para que conste e teña efectos legais, procedo, por instancia da persoa interesada, expido esta certificación:			
<b>SINATURA DA PERSOA REPRESENTANTE DA EMPRESA</b>			
(Sinatura e selo da empresa)			
Lugar e data: <input type="text"/> de <input type="text"/> de <input type="text"/>			
Nota: Débese xunto cunha certificación acreditativa por cada empresa onde se desenvolvera a actividade laboral.			